



**TOSHKENT DAVLAT YURIDIK UNIVERSITETI REKTORINING
B U Y R U G ' I**

2020-yil « 7 » dekabr

08-240 -son

**Ўзбекистон Республикаси Президентининг
2020 йил 4 ноябрдаги ПҚ–4881-сон қарори ижросини
таъминлаш тўғрисида**

Ўзбекистон Республикаси Президентининг 2020 йил 4 ноябрдаги “Кураш миллий спорт турини ривожлантириш ва унинг халқаро нуфузини янада ошириш чора-тадбирлари тўғрисида”ги ПҚ–4881-сон қарорида белгиланган вазифалар ижросини таъминлаш, Тошкент давлат юридик университетида кураш миллий спортини оммалаштириш ҳамда талаба ва ходимларни спорт бўлган қизиқишларини ошириш мақсадида

Б У Ю Р А М А Н:

1. Ўзбекистон Республикаси Президентининг 2020 йил 4 ноябрдаги ПҚ–4881-сон қарори (кейинги ўринларда – Қарор) маълумот ва ижро учун қабул қилинсин.

2. Қарор билан қуйидагилар:

кураш миллий спорт турини ривожлантиришнинг асосий йўналишлари белгиланганлиги;

2021 йилдан бошлаб ҳар икки йилда бир марта вилоятлар марказлари, Нукус ва Тошкент шаҳарларида олий таълим муассасалари талабалари ўртасида кураш бўйича халқаро мусобақани ҳамда устувор равишда хорижий давлатларда Ўзбекистон Республикаси Президенти соврини учун кураш бўйича халқаро турнирларни ўтказиш белгиланганлиги;

кураш миллий спорт турини 2025 йилгача янги босқичга олиб чиқиш концепцияси тасдиқланганлиги инобатга олинсин.

3. Тошкент давлат юридик университети, унинг Ихтисослаштирилган филиали ҳамда академик лицейида спортнинг кураш тури бўйича секциялар фаолияти йўлга қўйилсин.

4. Проректорлар А.Хашимхонов ҳамда Д.Умаров:

10 кун муддатда спортнинг кураш тури бўйича секциялар фаолиятини йўлга қўйиш бўйича университет ва унинг таркибидаги таълим муассасалари моддий техник базасини инвентаризациядан ўтказсин ҳамда секция фаолиятини самарали ташкил этиш бўйича таклифлар киритсин;

университет ва унинг таркибидаги таълим муассасаларида спортнинг кураш тури бўйича мунтазам мусобақалар ва турнирлар ташкил этиш орқали мазкур спорт тури бўйича ўтказиладиган республика ва халқаро турнирларда университет ва унинг таркибидаги таълим муассасалари талаба ва ўқувчиларининг муносиб иштирок этишини назорат қилсин.

5. Молия-иқтисод масалалари бўйича проректор в.б. А.Иминов университетда кураш миллий спорт тури бўйича спорт секцияси учун зарур спорт анжомларини университетнинг бюджетдан ташқари маблағлари ҳисобидан харид қилинишини таъминласин.

6. Маънавият ва маърифат маркази (Ш.Пўлотов), Жисмоний тарбия ва спорт кафедраси (Д.Докучаев) ҳамда факультет деканлари Қарор мазмун-моҳиятини ходим ва талабалар ўртасида кенг тарғиб қилсин ҳамда ўтказиладиган спорт мусобақалари ва турнирларида уларнинг муносиб иштирокини таъминлаш чораларини кўрсин.

7. Ушбу буйруқ ижро назоратини ўз зиммамда қолдираман.

Ректор



Р.Ҳакимов